

佚名撰

廣文書局印行

史料大元馬政記  
大元官制雜記  
大元倉庫記  
四海運記

佚

名撰

四史編料  
大元馬政記

廣文書局印行

中華民國六十一年元月初版

史料  
編

大元馬政記  
大元官制雜記

大元倉庫記  
大元海運記

精裝全一冊定價：新臺幣一百八十元

版權所有  
不准翻印

撰者 佚名

發行人 王道榮

發行所 廣文書局有限公司

臺北市羅斯福路二段九號之三  
郵政劃撥二一九九帳號  
電話三三九六六〇號

經售者 全國各大書局

內政部出版業登記證內版臺業字第一三二四號

## 大元馬政記

國朝肇基朔方。地大以遠。囊隴馬牛羊。莫可以限量而數計。今則牧馬之地。東越耽羅。北踰火里禿麻。西至甘肅。南暨雲南。凡十有四所。又大都。上都。以及玉備。伯牙折。連怯朶兒。地週迴萬里。無非監牧之野。在朝置太僕寺。典御馬。及供宗廟影堂山陵祭祀。與玉食之搗乳。馬之在民間者。有抽分之制。數及百者。取一。及三十者。亦取一。殺乎此。則免。牛羊亦然。其抽分之地。凡十有五。或遇征伐。及邊圉乏馬。則和市拘括。以應倉卒之用。非常制也。悉類以述于茲。

至元六年三月二十四日。中書省奉旨。科要取乳牝馬。除直北蒙古千戶百戶牌甲元以聚會之故。科著者取之外。據只魯瓦斛尋常科要取乳牝馬。勿取之。若只魯瓦斛處。已有刷制者。亦得還主。欽此。都省劄付右三部。欽依施行。

仁宗皇帝延祐七年六月七日。太僕寺官忠嘉阿刺鐵木兒奏。所管各項官孳畜。去歲風雪倒死。百姓困乏。不曾遍歷點數。今年差人計點收拾。每三十疋作

一羣。但是倒死。驗皮肉。及六馬補一牝馬。兩馬補一羊。乞用官印烙訖。取勘實有數目。賚來。令其加意牧養。准奏。

英宗皇帝至治二年三月二十三日。太僕 八思吉思奏。爲享太朝之故。用

乳馬乳牛各五百頭供乳。 奉旨。令同知教化提調。今乞於者憐怯列并青州所有官馬牛內撥付之。奉旨准。

三年三月。有旨。每三年。於各愛麻選擇驂馬之良者。以千數。給尙乘寺。備駕仗及宮人出入之用。

泰定元年十月十三日。太僕卿渾丹寺丞塔海奏。自耽羅起至牛八十三頭至此。不伏水土。乞以付哈赤。令變換作三歲乳牛。印烙入官。奉旨准。

是年。渾丹等又奏。各愛麻馬多耗損。請市馬一萬以實之。准奏。以鈔一萬錠付渾丹。約牝馬帶駒一。其直十錠。先於興和路市一千疋。令哈赤等掌之。旣而本寺又奏。取乳牝馬不敷。續買九千疋。

二年七月二十三日。太僕寺卿燕帖木兒奏。各處官馬數目。短少於舊。文冊亦不明。乞差太僕寺官及怯薛人。赴各處點數。明白其實數來上。奉旨准。

三年七月二十六日。太僕寺官闊怯燕鐵木兒等奏。係官頭疋。已有備細數目。今乞再差太僕寺官。詣各處點視。奉旨准。

四年七月十八日。太僕寺奏。阿塔赤傳旨。令選擇騾馬。舊制。三年一次選擇。去年已選一千疋。今限未到。乞預選三百疋若何。奉旨准。

今上皇帝天曆二年二月八日。撒敦特奉聖旨。各所屬內哈赤黑玉面馬。五明馬。桃花馬。於三等毛色內。選擇進呈。又馬主隱匿有毛色牡馬牝馬亦里玉列者。或首告發露。以馬與首人。犯者杖一百七下。欽此。

三月。太僕寺卿不蘭奚特奉聖旨。有毛色之馬。可疾速差人起進。又黑玉面。五明。桃花。黑花。赤花。赤玉面。栗色玉面馬。及有毛色駿馬。選擇差人。限六月一日押聽候。

是春。上御興聖殿。觀馬。有旨。賜牧人繒綺各一。又。都兒阿魯花專掌之。復詔經正監別賜草地。自爲一羣。號異樣馬。

八月二十二日。太僕寺官撒敦。不蘭奚。教化月列吉奏。舊制。皇帝登寶位。太僕官躬詣各處點數官馬。今乞依例。差官點數。奉旨准。

十一月二十四日。太僕寺官撒敦。不蘭奚奏。奇異毛色馬匹。止於太僕司作數。或別項作數。取聖裁。奉旨。可別項作數。欽此。

### 和買馬

太宗皇帝十年戊戌六月二日。降聖旨。宣諭札魯花赤胡都虎塔魯虎斛訛魯不等節該。自今諸路。應有係官諸物。及諸投下。宜賜絲線疋段。並經由燕京宣德西京經過。其三路鋪頭口。難以迭辦。今驗緊慢。定立鋪口數目。驗天下戶數。通行科定。協濟三路。通該舊戶二百一十七戶。四分著馬一疋。新戶四百三十四戶。八分著馬一疋。舊戶一百六十九戶。二分著牛一頭。新戶三百三十八戶。

四分著牛一頭。聖旨到日。仰即便差人。與各路差去人。一同前去。所指路分著緊催促驗數。分付各路收管。見得以南路分。馬疋牛畜難得。今約量定。立到馬一疋。價銀三十兩。每牛一頭。價二十兩。仰各處皆驗燕京酌中時直折納輕賚疋段沙羅絲線絹布等物。用鋪頭口轉遞交付。卻令三路置庫收貯。明附文歷支銷回易諸物。於迤北民戶內。逐旋倒換頭口用度。若各自願計置頭口分付者。聽從民便。不得因而刁蹬抑勒。多要輕賚。除各路別給御寶文字外。據燕京路合得協濟路分。開具下項。東平府路所管州縣城。驗戶二十三萬四千五百八十五戶。內有復數民戶時重數訖五千八百五十戶。爲不見新舊。權作舊戶免徵外。實徵二十二萬八千七百三十五戶。內有本路課稅所從實勘當新舊戶計。照依鋪頭口分例。另行科徵送納。總合著馬七百八十八匹五分五厘。牛一千一十七頭二分四厘。舊戶一十一萬五千二百四十七戶。合著馬五百二十九疋一分五厘。牛六百八十一頭八分。新戶一十一萬三千四百八



十八戶。合著馬二百五十九疋四分。牛三百三十五頭四分四厘。民戶二十三萬二千六百二十九戶。重數戶課稅所戶在內。標撥與宗王口溫不花。中書吾圖撒合里。并探馬赤查刺溫火兒赤一千七百五十八戶。內民戶一千七百一十二戶。驅戶四十六戶。民戶內。舊戶八十一戶。新戶一千六百三十一戶。宗王口溫不花撥訖一百戶。內舊戶三戶。新戶九十七戶。中書吾圖撒合里撥訖新戶三百四十五戶。秃赤怯里馬赤撥訖新戶六戶。查刺溫火兒赤件等回回大師撥訖新戶三十戶。訛可曹王撥訖新戶一十戶。羅伯成撥訖新戶三戶。奪活兒兀蘭撥訖新戶七戶。查刺溫火兒赤并已下出氣力人撥訖一百八十三戶。內民戶一百三十七戶。驅戶四十六戶。民戶內。舊戶二戶。新戶一百三十五戶。乞里鵬并已下出氣力人撥訖三百三十六戶。內舊戶三十八戶。新戶二百九十八戶。笑乃鵬并已下出氣力人撥訖四百六十七戶。內舊戶二十七戶。新戶四百四十戶。李里海拔都撥訖一百戶。課課不花撥訖五十五戶。合且

撥訖一百一十六戶。內舊戶一十一戶。新戶一百五戶。外驅戶八十二戶。回回戶九十六戶。打捕戶二十戶。

世祖皇帝中統元年五月。奉聖旨。諭宣撫司。若曰。聖旨到日。仰於本路和買驃馬一萬疋。除出征官員并正軍征行馬疋。及上赴朝廷人所騎馬外。但有驃馬拘收見數。依市價每課銀一定。通滾買馬五疋。臨時斟酌高低定價。俱要堪中馬。不堪出力者。不得收買。凡有驃馬之家。五疋內存留一疋。本主騎坐。有職事官吏。亦許存留一疋。和買見數。印烙了畢。達魯花赤管民官吏管押前來開平府交割。沿路無致走失瘦乏。據和買價銀。於本路係官。不問是何銀內。即便支給。無致人難。准此。燕京路二千四百疋。眞定路八百疋。北京路二千疋。平陽路八百疋。東平路八百疋。濟南濱□兩處四百疋。大名路四百疋。西京等路二千四百疋。

二年十一月十五日。奉聖旨。諭行中書省。若曰。前時阿里不哥。敗於昔木土腦

兒退散。今聞北方雪大。卻復回此。雖未必來。然須準備。據隨路不問是何人等馬疋。盡令見數。若有堪中騎坐者。每五疋馬價課銀一定和買。

是日。又奉旨。諭西京宣德北京等路。和買馬疋。節該堪中者。每五疋價課銀一定。不堪騎坐瘦馬。亦行見數。止令本主收喂。如已後再用。亦依例和買。須管便要。不得遲慢。因而看順面情。或取受隱漏。如但有隱藏。及看順面情。或取受之人。照依軍法斷罪。據見收到堪中馬疋。分付差去官散與步行達達軍騎坐。如有騎坐不盡之數。具以上聞。

十二月七日。奉聖旨。諭陝西四川等路行中書省節該。爲阿里不哥事。聖旨到日。仰將延安路。除合納糧斛外。應係絲線包銀課程。一切差發。從長計置。堪中騎坐馬疋。據買到馬數。先差使臣奏聞。

二十八日。聖旨。諭北京等路達魯花赤管民官。據本路和買到馬疋。仰在意喂養。仍令本處正官一員。常切點視。毋致瘦弱。除緊急海青使臣應付走遞外。其

餘使臣人員。並不得應付。准此。

四年八月四日。聖旨。諭中書省。據阿朮差來使臣抹臺奏告。闕少馬疋軍人。乞降馬疋事。准奏。仰差人驗坐去馬數。於東平。大名。河南路宣慰司。今年新差發內。照依已降聖旨。不以回回通事。幹脫并僧道。答失蠻。也里可溫。畏兀兒。諸色人戶。每鈔一百兩。通滾和買堪中肥壯馬七疋。分付阿朮等給散與軍人。此係軍情公事。如有怠慢去處。嚴行治罪。准此。總計買馬一千五百五十疋。阿朮一千六十四疋。長壽一十九疋。懷都六十九疋。也先不花三百九十八疋。至元六年二月二十二日。樞密院奉旨。買馬三千疋。給都元帥阿朮軍中。勿借錢。欽此。

十二年四月。樞密院筭付益都路。三月三十日。中書省與本院官同議。漣水州設站。據買馬價錢。據於各處係官錢內支付。於不。以是何戶計內和買。如軍戶內有自願賣者。官支價錢鈔三十兩。隨卽給付。如不願者。無得椿配仰勒違錯。

十四年三月十二日。中書省劄付。先爲和買拘刷馬疋。已經差官催督去訖。今奏奉聖旨。節該收拾到馬疋數內。盲者。癩者。噪者。懷駒者。印烙畢。分付本主。又漕運司牽船馬疋。印烙訖。分付時。暫牽船運糧。欽此。督省行下各處。及差官欽依。見奉聖旨。除漕運司牽船馬疋。別委本司印烙外。其餘諸色人等馬疋數內。揀擇盲者。癩者。懷駒者。分付本主外。肥壯馬疋。疾早差官依已行押運沿路官給草料。應副人夫槽前。前赴所指處送納。瘦者於內斟酌。合騎馬人員驗拘訖。肥馬之數。卻與瘦馬。官爲印烙。許令騎坐。餘上馬疋。趁美水草牧放。亦赴所指處交割。如各處官吏諸色人等。隱匿肥壯并高身無病無駒馬疋。并牡馬及堪騎馬駒者。照依札撒斷罪。若有違慢。從已委官。就便將當該人吏的決首領官。罰俸官員。取招呈省。仍仰各路官吏。先行具報。並無隱匿夾帶結罪文狀。分揀定各各備細數目。申部呈省。

二十年正月四日。丞相火魯火孫等奏。忙古鵬拔都軍二千人。每人給馬三疋。

今見在一千疋。乞降價錢。再買五千疋。每三疋內。兩疋牝馬。一疋驂馬。於大王只必鐵木兒。駙馬昌吉兩位下民戶內。并甘肅州察罕八刺哈孫數處。差人買之。奉旨。依卿等所議行之。

二十六年七月十日。兵部承奉尙書省奏。奉聖旨。和買馬疋事。欽此。除已別發勘合放支和買馬疋價錢。差官管押前去各處交割。及開坐下項合行事理。節付各道宣慰司。并各路總管府。摘委正官。一同和買外。仰更爲行移合屬。依上施行。所據發去各處鈔數。合用打角物件。防送弓兵。就便行移合屬。依上應副施行。仍將在都諸衙門。買到馬疋。本部打勘備細開坐呈省。一。和買馬疋去處。并放支鈔數。計至元鈔一萬錠。都省差官管押前去各處。燕南河北道宣慰司。至元鈔二千四百錠。山東東西道宣慰司。至元鈔二千錠。河南等路宣慰司。至元鈔一千八百錠。太原路。至元鈔一千錠。平陽路。至元鈔一千錠。保定路。至元鈔三百錠。河間路。至元鈔三百錠。平樂路。至元鈔二百錠。本部關支發付合

屬和買馬疋。在都諸衙門馬疋。至元鈔四百錠。大都路。至元鈔一百錠。陝西等處。行尙書省。就用係官錢內放支和買馬疋。一。摘委本道宣慰司正官各路總管府官一同和買。據宣慰司。按察司。轉運司。總管府及諸衙門官吏僧道。答失蠻。也里可溫。斡脫。不。是何軍民諸色人戶。所有堪中馬疋。盡數和買。當卽印烙。合該價錢。隨卽給主。一站赤每疋馬一疋。許畱貼馬二疋。餘者馬數。依上和買。一。差去官押運鈔數至彼。依數收管。呈省。其辦集遲速。馬疋好弱。止責宣慰司并各路官吏。一。和買四歲已上堪中馬疋。雖年老。若肥壯。堪以出力。亦行和買。一。權豪勢要之家。隱占馬疋。決杖一百七下。其馬沒官。一。見買馬價。若有剋減。并冒破官錢。有人首告。或因事發露。到官。聞奉重行治罪。一。各處官員若同心辦集。馬疋肥好。別議聞奏。其或怠慢。并馬數不堪者。治罪。一。買到馬數。除陝西行省平陽太原。徑直前赴河東山西道宣慰司交納外。其餘去處。每一二百匹作一運。差委能幹正官節續管押赴都交納。行移經過官

司。依例應副牽馬人夫。押運官依時飲牧。不致瘦弱。病者所在官員。隨卽差撥獸醫看治。如沿途比之元納。腠分。但有瘦弱倒死。勒令押馬官陪償斷罪。一。買馬正。開寫各立姓名。毛齒。腠分。價錢。呈省。一。探馬赤。唐兀。秃魯。花軍人。除本家原有馬數。不在收買之限。卻不得轉買諸人馬正。如有違犯。買主賣主。各決一百七下。其馬價錢。俱各沒官。一。見發價錢不敷。作急呈省。撥降若銷用不盡。依數回納。一。馬正價直中統鈔爲則。驢馬每正。上等五錠。中等四錠。下等三錠。曳刺馬每正。上等四錠。中等三錠。下等二錠。二十兩。小馬每正。上等三錠。中等二錠。二十五兩。下等二錠。

十四日。兵部承奉尙書省劄付。奏奉聖旨。和買馬正事。欽此。除經差官前去各處。并劄付本部收買去訖。照得在前拘收馬正。合該價錢。未盡實支付。今次和買。明立價值。委官當面給主。切恐有馬之家。不行赴官中納。私下隱藏。權豪勢要人等。故行影占。都省除外。今將榜文八道。隨此卽發去。仰收管於大都張掛。



曉諭軍民。站赤諸色戶計。并和尚先生也里可溫。答失蠻。斡脫等戶。但有四歲以上驢馬。曳刺馬。小馬。不分肥瘦。盡數赴官中納。當面從實給付價鈔。若有隱藏影占馬疋之人。許人首告。決杖一百七下。其馬沒官。兩鄰知而不首者。同罪。仍於犯人名下。追中統鈔五錠。給付告者充賞。所據隸屬省部保定。河間。平灤等路。并平陽。太原。本部多出文榜。發下各路州縣。於人烟輳集處張掛。仍行移各衙門照會。依上施行。榜文內開寫。一。站戶依元行。每疋馬一疋。許畱貼馬二疋。依上中納。一。見任官員。許存畱馬數外。餘有馬疋。依上中納。二品以上存畱五疋。三品四疋。四品五品三疋。六品七品二疋。八品以下一疋。一。榜文到日。限一十日。盡數赴官中納。違者與隱下。一體治罪。本部合行事。一。探馬赤。唐兀秃魯花軍人。除見起來馬疋外。在家應有四歲以上驢馬。曳刺馬。小馬。仰宣慰司總管府。與樞密院差出官。本管與魯官。一同收拾見數。不須給價。開寫各主姓名。毛色。齒歲。分付隨處探馬赤。唐兀秃魯花。本管與魯官取明白。